

Prensa Brasileiro a dedica atencion na Arubianonan

Ena Schwengle y Roly Bislick a destaca na Brazil



ORANJESTAD(AAN)-- E resultadonan di e Arubianonan den e competencian di natacion na Brazil, no solamente a significa cu nan a regresa cas cu maximo honor, pero tambe cu atrobe Aruba a haya atencion den exterior.

E publicacion Brasileiro, A Tarde, a dedica atencion na Ena Y Roly y por topa cu un articulo encuanto nan ehercicianan na Brazil.

A worde muestra con e at-

letanan tabata prepara nan mes pa e Travesia Internacional Bahia di Tur Santo, na cual cantidad di pais a participa.

Por a nota den e articulo, cu e vistanan tabata hopi dirigi

ariba Ena y Roly for di momentonan cu nan tabata prepara nan mes pa e gran evento, cu a duna Ena un promer lugar den su categoria y Roly un segundo lugar.

Opinando riba Guerra Leu for di Cas entrevistando Arubianonan na Hulanda

ORANJESTAD (AAN): E programa di television tan gusta "Leu for di Cas" a habri su prome show pa 1991 na e bunita isla Ingles Anguilla den parti norte di Caribe.

For di Anguilla, e show a sigui pa St. Maarten unda nan a entrevista varios hende e.o. Sr. Illidge di Aruba. Despues a graba e popular Trio Tropical cu nan tema "Rayito de Luna".

Back na Europa a tene un charla na e vakantie-beurs di Utrecht cu varios hende di Caribbean Palm Village y un ex-militar Hulandes kende a sirbi su servicio na Aruba.

E interes pa e proyecto di Caribbean Palm Village tabata grandi.

E ambiente na e bolsa di vacacion tabata aenorme, ya cu na e momento ey ainda nan tabata bao presion di e Guerra den Golfo Persico.

Na Rotterdam a entrevista un famia for di Aruba, esta famia Martinez y Giel na nan cas.

Na final di e programa ya e guerra den Golfo a cuminsa y pesey a entrevista diferente hende riba caya na Amsterdam encuanto nan opinion.

Na final e programa ta cera den e centro comercial di Amsterdam-zuid-oost pa asina tur hende na cas mes por mira cu te ainda e bida na Hulanda ta

siguiendo su rumbo normal di tur dia.

E programa di Leu for di Cas ta ser pasa na TeleAruba.

POLAR

Traha un lema cu POLAR aden,
poné ariba bo trailer y bo tin
chens di gana un regalo
di POLAR!